

新纂雲南通志卷一百十六目錄

祠祀考八

寺觀三

大理府

新纂雲南通志

卷一百十六 祠祀考八 目錄



新纂雲南通志卷一百十六

祠祀考八

寺觀三

大理府

太和縣

元真宮

在城東郡人楊言建龐國梁重修

大理府志

光緒元年士民重修

光緒志

普賢寺

在城東寺中有塔制大馬江水

大理府志

明萬曆十四年建清光

緒間邑人張肇興等倡修

大理縣志探訪

羅筌寺

在城東玉案山初洱河多有龍覆舟神僧道安結庵此地

夜見童子百餘人語曰師至吾屬不安盍遷去師厲聲曰是法住

新纂雲南通志

卷一百十六

祠祀考八

寺觀三

法位安從遷明日水浮死蟒百餘海患乃息因創寺西有天鏡閣

附元宣慰副使河間李京天鏡閣詩

道光志

檻外千峯插海波芙蓉雙塔玉蟾峨銀山殿開天中見黑水帆橋鏡裏過芳草滄洲春思晚野雲孤鶴客懷多共誰一夜山堂月洞口參差長薜蘿

文殊寺

在城東南隅

大理府志

清光緒七年士民重修

光緒志

地藏寺

一在城東南隅清康熙間提督張國柱建一在城南門外

大理府志

大悲寺

在城東南隅唐末有一木板自南門外溪中逆流三里人

異之取視上有觀音像繪綵如新因建寺

大理府志

今圯

大理縣志探訪

大智庵

彌陀庵

並在城南門外

大理府志

大我寺

在普凝寺南明勅賜為阿叱力僧綱司今毀為尼庵

大理府志

崇恩寺

在城南九里即今藥師寺昔有神僧乘三角青牛至此坐



化又段思平逃難匿此以門封蛛網追者疑其逸去而返遂免難

因建寺大理府志清咸豐間燬於兵光緒八年住持僧重建光緒志

大石庵 在城南十里路西即婦負石處石上有閣舊卑小清嘉慶

十二年迤西道達明阿重修太和縣續志咸豐間燬於兵光緒二年署提

督楊玉科重建光緒志

海會寺 在城南龍尾關將軍洞南有普濟寺覺真寺雍正志

江峯寺 在下關即天生閣舊址清乾隆間巡撫鄂甯捐建太和縣續志光

緒三年知府毛慶麟重修光緒志光緒間邑人馬恩溥等重修大理縣採訪

靈塔寺 在城南斜陽峯麓唐段赤城誅蟒為蟒所吞人思其功於

蟒腹中取其骨葬之建塔其上山半為寶林寺雍正志

法真寺 在城南佛頭峯麓雍正志清光緒五年村民重修光緒志

玉皇閣 在龍尾關斜陽峯麓清道光五年建太和縣續志光緒四年士民

重修光緒志

興福寺 在城西南石寶邑大理府志清光緒元年士民重修光緒志

海印庵 在城西二里明指揮王槐建雍正志

崇聖寺 一名三塔寺在城西北蓮花峯下寺有三塔其一高十餘

丈十六級其二差小各鑄金為頂頂有金鵬世傳龍性敬塔而畏

鵬大理舊為龍澤故以此鎮之寺有觀音像高二丈四尺唐蒙氏

時董善明鑄有兩銅供治之異雍正志唐敬宗乙巳寶曆元年重修大

理崇聖寺成先是王嵯巔廣寺基方七里聖僧李成眉賢者建立

三塔高三十丈佛一萬一千四百屋八百九十銅四萬五百五十

勛元和十五年經始至是工竣塔頂舊有鐵柱款識云貞觀六年



尉遲敬德監造蓋寺之建久矣阮元聲南詔野史塔頂有款識為唐開元元年

南詔請唐匠恭韜徽義造後燬元初重建明正德九年五月六日

地震塔裂三尺許旬日復合大理府志寺門內有樓上懸鴻鐘聲聞百里

一方晨昏作息視以為節南詔建極十三年造為唐咸通十三年

也萬曆志其相去近者曰無為曰聖源曰大慈相去遠者曰佛圖曰羅

漢曰靈會曰觀音而惟崇聖寺為最盛景泰圖經明嘉靖間李元陽重修

清乾隆間重修咸豐丙辰全燬今重建者僅寥寥四院而已太和縣採訪

元雲南肅政廉訪使李源道有大崇聖寺碑銘詳金石考

附明監察御史郡人李元陽崇聖寺重器可寶者記道光志

崇聖為寺其來久遠不可測詰蓋自周阿育王封其第三子於蒼洱之國是時已建伽藍崇聖是已以史記考之葉榆為東天竺蒼洱其地也然則時未入漢而先有伽藍不足怪也寺之重器有五一日三塔二日鴻鐘三日雨銅觀音像四日證道歌佛都匾五日郭人盧盡兒中塔折裂如破竹旬日復合宛然無壘微神力曷克臻此寺樓鴻鐘其狀如幢製作精好聲聞百里自禁鐘而下此為

新纂雲南通志 卷一百十六 祠祀考八 寺觀三 三

第一南詔建極十三年鑄蓋唐懿宗咸通元年也雨銅觀音像高二丈六尺唐初有僧擬摹銅鑄像像至夜天雨銅像成銅盡無欠無餘證道歌二碑佛都二大字為寺僧開護手書其用筆與趙孟頫同一三味為世所珍世傳護右手自肘至腕洞澈如水晶然則筆

精之妙殆非偶然三聖金像在極樂殿並高丈一尺嘉靖間鑄時盛夏赤日治人無措忽陰雲如蓋獨覆鑄所像成而雲散衆咸異之夫此五物在寺亦有多歷年所屢經變故者而獨得無恙非鬼神呵護之力乎竊見茲土山則九曲翠屏水則萬頃碧練其融結

環抱即天下奇勝之地無與為比寺居山水中央延庚挹辛導夕陽而引秋月殿榭臺池松筠卉木可息可遊者不可枚數而獨以五為計者以五者雖出於人為而非人之智巧所能到亦非人力所能存者夫有山水而無此伽藍有此伽藍而無此重器不名

全勝乃今俱得而觀之自謂深幸故鐫之貞珉冀後來具正賞者共實惜焉

附明副使秀水吳鵬重修崇聖寺記道光志

南中梵刹之勝在蒼山洱水蒼洱之勝在崇聖一寺雪巒萬仞鑲銀灑翠峙於其後碧波千頃蓄黛停膏滂於其前層臺飛閣紺殿朱樓結甍連幢交輝葦影與晴嵐暮靄掩映於梧竹松杉之間令人一望而神爽飛翔翛然有遺世絕塵之意寺門三塔亭亭玉柱

直上千雲此寰中之僅見者也危樓百尺鴻鐘在懸聲聞百里鮮有其似塔頂有鐵記云貞觀六年尉遲敬德監造則知此寺其來久遠元世祖南征駐蹕於茲勅士長段氏重修五百年來頽圯殆盡郡人李內翰中谿氏率子弟罄貨財竭力興復蓋自嘉靖壬寅

經始至今癸亥乃得訖工凡三閣七樓九殿百廈其位置之向背基砌之崇卑片瓦寸木皆出李公之擘畫釋迦殿九楹為寺主殿主殿之後曰現瑞曰昆虛曰極樂曰龍華皆梯磴而上偉麗深窈窺窺金像互相輝耀左入瑞鶴門則有二仙幌天門清都瑤臺

元元三清之境旁出則有斗母三元正虛之宮殿若之臺右入總持門則有般若華嚴南泉圓通兜率大士雨花諸院至其最高處則有月波樓豔雪臺焉此寺之大致也李公勤勞首尾二十餘年暑笠雨蓑曾無倦色蓋至是而蒼洱之勝始有歸宿之地矣微李

公則山水有遺憾焉昔唐人募十道圖以潤之棲霞台之國清荆之玉泉濟之靈巖為四絕若較其形勝恐四寺有所不及也惜其僻在西陲輶轡鮮經騷墨寡及所幸挺靈鍾秀得若人以發揮之茲固造物者默有意於其間矣余昔督學南中嘗與李公同遊賦

詩乘月而歸至今時或夢見適承書來欲余作記余掩書回首不覺灑然如執熱者之濯清泉遂紀昔年所見與今所成就之大略以為寺記云



附陳鼎滇黔紀遊

崇聖寺又名三塔寺在郡北五里三塔巖時隔洱海百餘里輒望見中塔正方甃城高四十八丈十六級絕頂四角範四金鷄高二丈塔下遊人以巨石投地金鷄昂首長鳴音響清越黔國公楷書山海大觀四字文石鑿成一字縱橫四丈四石列塔前如屏銅鐘二各重十萬劬南詔建極十三年造乃唐咸通年也大雄殿巨麗精巧覆以琉璃瓦地並徑丈點蒼石甬道旁紫荊樹亦高數丈唐朝老梅狀若古松亭亭直上枝幹如檜柏大士像乃天雨銅汁所鑄高二十四尺又滇西雨銅雨鐵乃常事不足為怪然其理不可得而究也

附明楊慎遊崇聖寺詩

道光志

塵刹非人境煙霞是佛都山開銀色界海湧玉浮圖追蠡形猶壯伽藍跡已無經函墨粉蠹畫壁剝天吳零雨頽牆草驚風廢井梧禪心隨夜寂旅望對秋孤遠目窮千里傾懷倒百壺狂歌意無極感此歲云徂

附明給事邑人楊士雲崇聖寺詩

道光志

岑樓無礙倚虛空檻外平鋪十九峯霸業三分非漢鼎佛都千載有唐鐘林端細雨浮山黛天際微風變水容冠蓋於今能盡賦揚雄偏得號詞宗

附明提學莆田方沈遊三塔寺詩

道光志

秋色招攜到上方西來鐘磬散清涼開軒叢菊翻成錦過雪羣峯盡點蒼竹裏茶煙侵檻細塔前瀑水引杯長共看塔影層霄外漫擬逃禪禮有王

附總督范承勳遊三塔寺詩

道光志

新纂雲南通志

卷一百十六 祠祀考八 寺觀三

四

駐馬尋幽入梵宮空塔鈴鐸響天風波光遠映三千頃雪影高懸十九峯禪衲誰騎林外虎浮屠長制澤中龍焚香禮罷金仙像欲向山僧問雨銅

附明程本立過三塔寺詩

萬曆志

眼中城郭與山川坐我江南畫舫雲氣半峯飛白雪水光一鏡落青天野牆撥樹人家住官路梅花驛使傳最是禪房聽梵唄此心能洗百憂煎

附明馮誠游諸佛刹詩

萬曆志

昔定諸夷汗馬勞煙塵不動解征袍兩關虎踞吞滄海三塔龍飛上碧霄巖天遠降來歲貢甲兵永鎮拱天朝水光山色昇平日仰戴皇風萬古高

附明楊慎會宿三塔寺得颺字詩

萬曆志

命駕候曉月駢裝擗晨颺春茲名山遊不憚峯磴危香界枕蒼麓翠波潄洱涓再臨圭翰換刻若塵刹移今夕復何夕良期借心期玄言傾彼己清襟照等夷金聲擲鏗然玉德交溫其飛栖迥異林羽毛夙同池滄浪我纓歌城闕子衿詩願言附三島相尋方蓬陲

人生忽若寓無令白日馳

覺岸寺 在城北洱河濱磻溪村有分水石

雍正志

靈會寺 在城北喜洲院榜村昔蒙氏征摩些渡金沙江一木自水

中逆流異而取之造成千光王佛置藍婆寺忽大雨浹旬村民煙



火盡滅惟此佛前燈不滅軍中乃得火因迎像還大理建寺奉之

寺中有梅甚古相傳為唐時所植云大理府志一名唐梅寺明嘉靖間建

村人楊元吉趙確等重修清咸豐兵燬同治五年張正雄倡修光

緒元年楊懋增修鑑湖樓有鐘高五尺許唐時鑄大理府志

寶慶寺 一名石乳在城北蓮花峯麓大理府志

龍泉寺 在城北灣橋村西明天順間建大理府志一在城北六十里周城

明宣德間建清乾隆間重修咸豐丙辰兵燬庚申重修光緒間增

修大理縣採訪

觀音閣 一在城北上羊溪戮魔石相傳觀音既閉羅刹以此石鎮

之後人遂建閣於上下有極樂林僧達持創建一在五臺峯麓即

古聖元寺僧普爍重修大理府志

遺愛寺 在府城北戮魔石之南人思觀音遺愛故建寺萬曆志

妙佛寺 在城北十三里銀橋村大理縣採訪

鶴雲寺 在城北二十里鶴雲峯麓相傳有仙乘雲鶴來石上圍碁

因名大理府志

藥師光寺 一在城北二十五里蓮花峯之半其地舊有二十六庵

址巖壑奇秀四時有佛光莫可名狀或云是藥師佛光一在城東

北隅名藥師寺清康熙三十二年建大理府志光緒間邑人楊高魁張品

盛等倡修大理縣採訪

大慈寺 在城北三十五里唐時南詔建內有卓錫泉相傳僧慧普

以錫卓地而泉湧出雍正志

古靈觀 在城北四十里大理府志



銀相寺 在城北五十里雍正志元時建清咸豐兵燬光緒間村人張燧

楊上培張立志段凌雲等先後重修大理縣志

香巖臺 在蒼山中峯麓世傳三月十五日為觀音入大理之辰於

此祀之大理府志

靈鷲寺 在城南馬耳峯之半舊有千僧道場雍正志今僅存一庵大理縣志

陽南寺 在馬耳峯之半明嘉靖二十二年知府魏文相修大理府志

鶴頂寺 在城南佛頭峯之半盤龍禪師所建明嘉靖間重修今殿

中拜石有禪師足跡深六分雍正志

附明李元陽修鶴頂寺記萬曆志按志原題為李逸民記

鶴頂寺在太和村之上亦名和頂點蒼山十九峯之一也余嘉靖乙巳春日尋山至焉嘉其地勢之美於草莽之中見破殿一楹因刮薜而坐有拜石焉石有手足印痕知其為得道人所居也時隨吾遊者吳生懋張生斗兒粲糧糧也諸子奉觴跪而合辭曰盍復

古觀以答山靈余然之明日召工備功命羽士馬鶴林董其役山逕峻折運負為難蓋至丁未冬而後落成計費約百餘兩計日蓋三載矣羽士苦村人之侵擾拂袖而去余乃召僧明中住持頻年以樹松為業歷十有七年始蔚然成林林無雜木一望皆青松東

新纂雲南通志

卷一百十六 祠祀考八 寺觀三

抵山麓南抵澗底西抵門限山北抵小澗集翠連天白雲縈帶一入谷中翛然不知其為人世也夜宿雖風天霜冬寒氣不到信棲真之美地也於是緝治田疇以資焚修得田若干騰以其坐落及其輸之官取之佃之數目並列之石以告其後來云

附明李元陽鶴頂寺詩滇詩拾遺

得道仙踪石上留古痕誰復記春秋百年身世三生夢千古溪山一碧海地門天宇淨蒼松夾路午陰稠我來策馬從巖下俠氣崢嶸隘九州

法資寺 在城北五臺峯麓元時建雍正志

灌頂寺 在城東五里奚自孔趙謙先重修大理府志

尊勝寺 在城東南月溪村明宏治間建雍正志清咸豐兵燬村人趙良

玉張仁山等重建大理縣志

普凝寺 在城南一名無量寺明初汝南王建雍正志城內大慈大悲文

殊普賢藥師興福而普甯最大為祝聖所陳鼎滇黔紀遊清康熙三十二年

提督諾穆圖修易名報國寺大理府志嘉慶九年知縣謝樟重修光緒志

清真寺 在城南大理府志



津梁寺 在下關東大理府志

感通寺 一名蕩山寺在城南聖應峯之半中有三十六院漢時摩

騰竺法蘭由天竺入中國時建甚宏麗雍正志唐李成眉重建乾甯三

年蒙氏僧趙波羅更葺之峯巒廻合林木葱蒨明初僧無極入覲

有馬嘶花放之異太祖賜詩十八章勒石殿前寺內建有寫韻樓

鐫明楊慎垂柳篇於屏上大理府志明末滇詩人唐大來薙髮號擔當和

尚亦寓此樓樓前白茶花高數十丈大數十圍花如玉蘭心殷紅

滇南只此一樹埋條分種皆不活也陳鼎滇黔紀遊兵燹燬大理縣採訪

附明僧無極記畧萬曆志

洪武十四年上以穎川侯傅公董六師征雲南既平以西平侯沐公保釐之越明年又以吉安侯陸公鎮大理昭勇將軍鄭祥為大理衛指揮使中順大夫杜瑜為大理府知府於時臣無極請歸欽蒙御賜詩一十八章并序記將欲刻石蕩山永傳不朽指揮使暨

太守曰然乃拜手稽首而言曰我皇御宇譬如日月之無不照臨萬邦統焉譬如天地之無不覆載萬類固焉萬幾之暇賜臣以長江之章奎章燦焉賜臣以蒼山之詩琳琅響焉虞書之所歌周雅之所詠孰知其古與今也然聖上之所以崇尙佛法之意豈臣無

新纂雲南通志

卷一百十六 祠祀考八 寺觀三

七

極之所得窺其萬一雖然敢不勉焉謹拜手稽首記

附張□□□存□無極記萬曆志按題字原有闕文於原文亦有刪節全文文載景泰圖經為張說碑記

洪武壬戌天兵下雲南明年取大理大理為郡負山面海由唐以來蒙段氏據而有之殆六百年二氏皆白人西南夷為類雖雜知文教者惟白焉其俗事佛而尚釋段氏有國用僧為相或已任而更出家故大理佛教最盛而僧之拔萃者亦多收附之初因見其

地多浮屠人皆善良故有征無戰其梵宇縹緲悉獲安堵律師無極能知性學兼通詞章歲次癸亥率其徒入覲上大樺試以詞賦皆立就屢寵錫之暨命為僧官重以奎璧天章所以光貴之者甚備無極本居感通寺寺之由來尙矣而石未有記歲庚午無極持

狀請曰大理山水明秀稱於前聞城西南陬六里許有蕩山寺又名感通寺宗輩相傳為漢摩騰竺法蘭由西天入中國時所建或又為李成眉賢者所建至蒙氏時有僧趙波羅更葺之元末兵燹而中殿世尊火燬不及後段武威公感其異因舊址構殿而華飾

有加焉中殿之後為大藏北有香積南有法堂無極居香積之北曰白雲方丈其餘芸房花塢景之奇勝不可枚舉然一事最為靈異此寺所成之日住持者焚香默禱一夕有佛像自城中飛來奠於位即今大雄殿未燬之佛也此寺奇異願為記之予曰寺之得

名豈非以是靈異而稱之乎且佛像之設可謂寂然不動矣而一念之頃遂能致之故能感則土苴為神奇不能感則神奇為土苴學佛者知此詣真空之境如在給孤獨園蓋不止於飛來而已神而明之在其人焉無極名法天受法於海印海印受法於斷崖斷

崖受法於高峯今文翔文嘉文齋文彥又無極之惟肖者也所奉御製悉刻諸石然則茲土荷國洪膺加於諸方則其祝釐以報洪庥應無止極也

附明遂昶道中望蕩山詩萬曆志

入關地平少丘坂旌旗微芒城尙遠碧水魚洲白日寒黃塵旅店秋風晚半山佛寺鬱嵯峨樹色深聲雲氣多不得飯依此中住幾回馬首暫經過

附明沐璘游感通寺詩萬曆志



暫停絳節訪林陬芳樹陰曲逕幽泉帶落花飄洞口月明積雪爛巖頭  
玉壺瀉酒春凝翠石鼎分茶露滿甌禪院參差三十六恍疑身到洞天遊

附明修撰楊慎夢遊感通寺簡董西羽詩萬曆志

李白題詩寺文蕭寫韻樓海光浮樹杪山翠滴牀頭  
熱想寒泉濯春會暖谷遊暝鐘蘿月下清夢一相求

附明修撰楊慎感通寺詩道光志

嶽麓蒼山半波濤黑水分傳燈留聖製演梵聽華云  
壁古仙苔見泉香瑞草開花宮三十六一一遠人羣

附明李元陽感通寺詩道光志

渺渺寒山獨自遊松青雲白卻相留  
一聲長遠知何處吹落江門一派秋

附揚州梁嘉稷登寫韻樓拜楊升庵太史像二首道光志

中朝太史大名留遺像猶懸百尺樓誰為染毫添頰上自從寫韻臥山頭  
思君楚澤行吟日去國長沙痛哭秋我欲招魂臨洱水哀歌翻入古梁州

一對儀容恨有餘蒼山空此好樓居豈圖議禮傳千古勸趁投荒注六書  
遶鶴歸來雲散後蜀鵲啼徹月明初數椽猶似靈光殿世廟園陵已故墟

神通寺 在城南十二里聖應峯之麓為感通別院大理府志

新纂雲南通志

卷一百十六 祠祀考八 寺觀三

八

佛圖寺 在城南陽波邑之上前有塔唐時建大理府志

宏聖寺 又名一塔寺在城西南有塔高十丈為級十世傳周時阿

育王建明嘉靖間郡人李元陽重修雍正志舊名王舍寺前有楊升庵

摹刻禹碑陳鼎演黔紀遊清咸豐丙辰燬光緒二十三年邑人楊萬春倡修

宣統元年楊潤丁光斗增修大理縣採訪

附明楊慎重修宏聖寺記道光志

城於蒼洱之間者大理府也漢晉隋唐或名益州郡或名雲南郡或名建寧多至不可勝紀漢書注謂邪龍雲南者是已邪龍一名羅利能為變淫以厲生民在昔觀音大士以正法勝之閉羅利於西下古老相傳即今上羊溪洞門宛在焉羅利既伏因作浮屠以

鎮之在城北者三其寺曰崇聖在城南者一其寺曰宏聖高者五百餘尺次者亦不下四百尺蓋寰中浮屠之鉅麗蔑以加矣在崇聖者有塔頂鐵鑄款識云貞觀尉遲敬德監造在宏聖者或曰周昭或曰隋文莫詳其始蒼山溪澗在上城郭人民在下秋水時至湖泮洶湧城郭恃以無恐者四浮屠也宏治間南澗出怪物湧水高百尺狀如雪山至宏聖寺勒留久之然後分倒而去人以浮屠之功其水勢雖分然北倒入城者猶損數百家向使不分滿城皆魚鼈矣正德九年地大震城郭室廬仆闕無算獨浮屠無恙崇聖

中塔初亦折裂幾頽旬日後復合如故豈非神力哉昔隋文皇帝方隱約時遇異人以舍利一掬遺之曰以此福蒼生後周失御隋文果受命蓋詔分舍利於天下八十三州大建浮屠宏聖其一也然則浮屠之陰翊王度福利蒼生其來久遠若夫大理之塔與城

郭同休戚是尤不可不崇修者惟智士仁人為能先民之憂而憂吾於中緜李公見之公起家史館以文章聞出為御史以風節聞三更郡邑以遺愛聞蓋海內兒童走卒皆知其名其所自樹立於當世者人人類能言之歸田以來盡捐己貲重修四浮屠凡於山



川舊觀一洗而新之以至橋樑道路濟寒救飢之事知無不為贊已罄而施不已老將至而心不懈予見其自壬寅至今二十年間會無一日輟也人或謂公太勞公竟不歇旭而出郭暝而還家風雨不能為之阻往來溪山之間吟諷終日宴如也予聞之師曰君子以化利為樂人見其化人利物之勞而不知其先人後己之自樂其樂也予旅食博南路出蒼洱每見四浮屠與嘯雪秋蟾爭為皎潔感公之志大有利於斯土也因為四浮屠記以見其人云

附明參政晉江謝肇淛一塔寺詩道光

靈鷲西飛積翠來阿王孤塔尚崔巍半巖雪照雙林曙上界鐘催萬戶開天際葉榆衣帶水雨中禾黍錦雲堆憑虛未盡登臨興更上翻經百尺臺

圓照寺 在城西南內有羅扇井大理府志

龍鳳寺 在城西南龍泉峯山巔有龍眼洞鳳眼洞故名澗底有豬

龍洞清康熙七年建道光四年提督羅思舉重建續太和縣志 咸豐七年

兵燹折毀光緒志

三聖寺 在城西小紙房舊為南詔家廟內有觀音三像相傳自天

竺得來即南詔中七聖之三也大理府志 今圯大理縣探訪

明慧庵 在城西郡人王致中建大理府志

新纂雲南通志 卷一百十六 祠祀考八 寺觀三

祝國庵 在城西鄭揮使建大理府志

光明寺 在城西寺據澗之衝建此以弭水患大理府志

淨樂庵 在城西一里許大理府志 一在城北下叢村大理縣探訪

棲霞觀 在城西北明宣德七年建雍正志 明初土人芮道林從劉長春

真人得道勅封真人即其所建為道紀司後裔世襲之大理府志 今圯大理縣探訪

訪

瑞鶴觀 在崇聖寺北明嘉靖間郡人李元陽建時有白鶴下翔故

名大理府志 今燬大理縣探訪

附修撰楊慎記萬曆志

點蒼山應樂峯之下三浮屠之次有瑞鶴觀者本崇聖寺之遺址寺在唐貞觀間為屋千楹既更朝代存者無幾皇明嘉靖間郡人御史中谿李元陽始經營之盡捐家貲與廢補數年之內殿閣樓廡視舊有加一方快視人心歡悅乃大建齋醮以落之齋之初晨祥雲彌天竟日不滅帥堂蠟炬不火而燃聚魂之處神虎現形雙鶴翩然集於殿脊老幼誦呼頃之乃隱眾謂天貺昭灼宜復舊觀公遂庀材鳩工擘畫位置中建上帝閣閣之四周白石扶欄以嚴臺級後為玄元殿又後為三清殿各有翼室以處羽流左為二



樓曰羣仙曰青華右為二室曰監齋曰鉢堂前為橋池橋前為四聖殿為三門門外為六帥堂下有龍虎門亦各有廡以備法像  
在左左者曰師真曰真官在右右者曰文昌曰神虎北出二殿為三官為斗母又北為三齋齒閣以蔽虧疎上奉真武下安靈官閣  
左為臺榭曰望仙閣觀聖像類多寫銅塗金間有塑者亦出良工之手瞻者莫不起敬先是公夢神人三十六於雲端下大木去地  
丈許懸空而止及規畫正殿相度高卑累石丈許乃得架屋果與夢符興建以來工大費鉅力盡一家資罄累世弟元春供億糧糗  
元期躬親炊爨元和奔走先後諸郎書記工作而酒漿饋給出於閭闔者月無虛日勤渠二十餘年曾無厭倦落成之日太守鄭口  
題其額曰瑞鶴識景貺也觀工既竣寺亦復完重樓傑閣互為蔽虧金碧丹堊交相輝映鐘磬鈴鐸之聲鏘如也袈裟羽衣之衆禮  
如也千年靈蹟既隨復與頓覺點蒼疊嶂如增而高洱海萬頃如增而深入其境而望鬱鬱蒼蒼令人欲去百事而老其中蓋不獨  
為南中佳處即寰宇名勝蓋鮮其匹矣公一日招余來遊因以碑記見屬且曰某之修崇塔廟非為求福也吾郡山水如此若非寺  
觀則遠遊立覽之徒無從託跡騷人墨客安所寓懷况前人之後人不繼某竊羞之余曰古之達人往往捨宅為寺余家在三千  
里外自憐不得與公結香火社以老此身為恨耳因操筆而嘆曰夫有形勝而無塔廟則登覽之興不成有亭榭而無湖山則綿遠  
之觀易索况祝釐保境必奠百靈利物化人莫先幽贊公之所以為之而不倦者意其在此乎公文章氣節卓冠一時宦轍所經澤  
留百世此士林推重藉藉在人者也歸里以來研窮理道造詣宏深德重鄉評望隆師範有非譚劣所能窺者昔劉更生博學之宗  
而作列仙傳顏清臣忠義之士而好言仙神古之君子思欲儻然遠遊卻立垢氣之外常託赤松丹邱之流以自見其志嗚乎吾於  
公而重有所感矣遂書其顛末以告後來云

### 天臺寺

在城南龍泉峯麓一名祭天臺

雍正志

諸葛武侯征南在蒼洱

駐兵數月見玉局峯下鳳凰一雙飛鳴而過公攬車遍歷榛莽得

峭壁石龕三皇五帝像乃建閣奉像其中而祀之又於石上鑿八

卦今尚存焉

陳鼎演黔紀遊

新纂雲南通志

卷一百十六

祠祀考八

寺觀三

一〇

### 帝釋寺

在城西北應樂峯其地靈異夜半或聞天樂聲

雍正志

附明郡人教授陳時雨詩

萬曆志

常時看竹過禪宮架壑松杉護石函十九龍溪和玉瀉三千蘭若並霞紅  
道因學久心方悟詩為吟多句轉工昨上點蒼岩年宿碧霄仙樂下天風

附明楊慎詩

萬曆志

帝釋山頭雲滿谿東菴飛雨西菴泥碧潭照眼石鯨動翠微當面林鸚啼  
濛濛香霧花層溼漢漢生煙樹點齊傍險銀鞍應未怯玉壺清酒為君攜

附明主事許勉仁詩

萬曆志

雨洗清林潤春歸石室閒離筵增悵望勝景共追攀  
欲辭鈞天樂須眠帝釋山所嗟微宦累日暮已言還

### 玉局寺

在城南玉局峯麓左有唐杜光庭祠

雍正志

光庭自號青城居

士灌縣人教授大理始開文教

陳鼎演黔紀遊

今圮

大理縣採訪

附元李伯強遊寺詩

萬曆志

海風吹曉上層臺玉局仙人安在哉一帶河山無限好百年懷抱此時開  
菊從雨後都開遍雁到秋深不肯來一曲浩歌歸興晚夕陽人影共徘徊



附明楊慎詩

仙是青城客山留玉局名  
渾如故鄉地偏動故鄉情

附明董難玉局寺用唐人韻送春詩

杜鵑枝上春可憐杜鵑聲裏雨如煙  
萋萋滿目芳草碧杳杳一髮青山懸  
忽悲隴麥客遊次卻憶棟風花信前  
惆悵池塘綠陰樹驚心一曲南薰弦

無為寺 在城西北蘭峯之半明永樂八年建寺有明汝南王碑聲

如玉磬名玉磬碑寺上有曬經坡廣三百步不生草木雍正志世傳唐

三藏曬經處一統志寺門樓為翠華樓北有駐蹕臺相傳元世祖南征

駐此得名寺前有香杪五株今存三株玉磬碑不知所終清乾隆

間修咸豐丙辰燬光緒間重修大理縣採訪

附明汝南王朱有勳無為寺記

葉喻多名山紫城西北有曰銀溪山者蓋蒼山名峯之一其麓有溪出自峯之北  
崦其闊約二十弓許東流入洱海寒泉清冽可飲可濯時雨乍晴飛瀾走湍泠然可聽  
溪之旁多秀石香草翠肌而玉脈碧葉而金花好事者往往取為軒窗之玩由溪而入  
榛莽蒙

巖路若窮然思欲回屢忽聞絕壁峭巖之間有人聲知為幽勝之所遂披榛捫蘿且歇且進歷幽澗躡石磴俯然若飄浮焉騰則身已在萬頃雲上矣流盼容與愈進愈佳松濤響空蘭氣襲人乃忘其向之疲也行可數里兩山豁然奇秀疊出中有龍象之宮數緇衣導余以入燒枯松煮寒泉有名龍苑庵者構於風篁雲木之杪海霞島雲來吾目中天風虛風牽衣縈髮余即林跣跌對僧無語不覺時移而夕陽在木末矣余樂安佚愛清潔故自誓歲已抱塵表之想以時多乖不克即遂重蒙伯父皇上拯余於萬死之中置之極安之地心怡身榮故得探此勝事亦足以愜素懷譬池魚籠鶴游泳翔翔於巨壑青冥向之所謂潔清者其或庶幾乎嗜蘭亭不遇右軍則修竹蕪於榛棘清流混於汙池矣是峯也使余不記其梗概則山川秀氣湮沒於遐陬將來豈不為雲林之愧歟

附陳鼎演黔紀遊

無為寺在蘭峯半巖巖峭壁行茂林數里兩山豁然中開從絕壑左折入寺有石樓寬三十丈樞衣登之洱海雪山近在几席有香杪五株大白圍高八九十丈太古時物也昔有二十餘樹喪亂時為獯蠻伐盡此僅存者

附明都督沐璘遊無為寺詩

白石磷磷積翠巒林花深處有茅庵  
煮茶迎客煙生竈剔筍出山雲滿籃  
香熱龍涎清沚氣壁懸尾罷禪談野禽不斷人來往驚觸巖花下碧潭

附知府黟縣黃元治遊無為寺四首

道光  
寺踞蘭峯麓行來似半山崖懸新雪水雲臥古松關樓影池中倒鐘聲竹轉燮焚香供客坐振錫老僧還  
出殿沿牆轉問房處處幽路盤巖絕頂人坐樹高頭雪嶂背孤日海天吞一樓山僧容把盞欲去復淹留  
山傳元世祖駐蹕有遺臺南徵兵聲冷中原殺氣回衰龍歸海水鐵馬刺蒿萊悵望姚公茂城樓返照來  
陰巖寒氣逼瀾上曬經坡玉磬碑安在香杪樹可摩僧茶秋雪煮佛座水雲窩幽興忘歸去投林鳥奈何

附明楊慎詩

萬曆志



涼宇傲金天，瓊巒凝紫燁。復有兔鹿徑，斜通龍象頭。餘霞帶飛閣，流波澄遠川。危巖三休至，層臺四望懸。佳游惜落景，愁思怯離絃。非關興盡返，良為懷抱牽。

### 附又觀汝南王玉磬碑引

馬曆志

汝南帝子真人冰壺玉樹凌風塵，心源早契空門地。意象遠寄荒岑濱，步折峯頭翠肌草。直登萬頃層霞杪，金鞭九馬滄煙叢。霓旌千騎紅雲島，伐石何人得磬囊。豐碑摩挲聲琳瑯，鳳凰毛羽落丹穴。蛟龍文彩蟠銀潢，山圖郡乘難搜採。波瀾東逝星辰改，眼見雙林成古丘。誰問君王仙跡留，可憐南浦西山外。猶有鳴鑿歌舞樓。

救疫寺 在無為寺上內有井世傳六詔時時疫流行飲之得痊故

名今燬 大理縣採訪

普濟寺 在城西北三陽峰麓元末建 雍正志

石雲寺 在城北白雲峰麓昔人見巖下有光掘地得石佛建寺祀

之 大理府志

報德寺 在城北作邑村元至正間建 大理府志

元真觀 在點蒼山半明郡人李元陽建 雍正志

### 新纂雲南通志

卷一百十六 祠祀考八 寺觀三

一一一

案採訪尚有白衣閣三合寺彩雲山水月庵歸一庵袪雲寺妙香寺來儀庵鎮海寺滿月寺普福寺金剛寺景帝宮石佛寺文華庵彩雲房三教庵鎮江寺福海寺白鶴寺鳳凰寺崇善寺海月庵海晏庵中和寺均在境內

### 趙州

妙音寺 在城東二里許 雍正志

清泰寺 在城東五里 雍正志

法藏寺 在城東十五里明勅賜董賢建 趙州志

羅和寺 在城東南二里 雍正志

興隆寺 在城東南三里 雍正志

晴雲寺 在城東南三里明崇禎間舉人董思周建清康熙雍正間

重修 趙州志 光緒七年重建 光緒志

象海寺 在城東南十里案山形如筆格從山外望洱水如新月一

鉤別具清致 大理府志 有楊寶經拜佛石跡 趙州志 光緒七年重建 光緒志



趙家寺 在城南七里舉人趙儒建大理府志

玉皇閣 一在城南十五里州民羅士傑建大理府志 一在城北四十里清

光緒六年里人熊雙德熊拔甲捐建光緒志

泰國寺 在城南三十里明崇禎間蜀人胡月江建大理府志

谷鳥寺 一名谷女寺在城南六十里白崖西有塔名高娘塔相傳

昔有張姓者其家女婢名高娘常以一白豬自隨忽豬化象乘之

上昇因立寺焉雍正志

遍照寺 在白崖石孔邑山麓明隆慶元年僧眞語建萬曆志

附明李元陽記萬曆志 原題李逸民記

遍照寺在彩雲州白崖之東石孔邑之上嘉靖間默庵禪師之所建也寺址山勢自高頂而下至此融結爲一與區默公因置草庵日誦華嚴其中既而知其地脈有助道之益遂建遍照一寺以爲納釋華嚴闡揚海印之地余因披其所未成足其所未具更買園林土地以拓之初建寺時墾土五尺見垣跌瓦礫乃古寺遺墟不知於何代信佛地爲神明呵護時如有待事非偶然觀此則默公之創諸人之施皆業因緣所使非人所能也寺歲公來乞余述其顛末余謂華嚴大教一文之妙攝義無餘一偈之功能破地獄

新纂雲南通志

卷一百十六 祠祀考八 寺觀三

一三三

鹽掌之水尚拯生靈讀誦思修功齊種志故曰見開爲種八難超十地之階行解在躬一生圓曠劫之果然則能於華嚴法師所而施一米一木者利益豈有窮哉其爲最初檀者曰劉氏續此爲衆檀皆得書名於碑陰云

醫王寺 在白崖其地有蟲蝗歲出傷禾建寺鎮之雍正志 明州民朱楠

建寺前有蟲蝗塔趙州志

案在白崖西南十里龍頂山道光志

鎖水閣 在白崖街東清雍正十三年巡撫戴濤倡建趙州志

善果寺 在白崖西西山有小隱軒趙州志

無量庵 在白崖市大西莊之南有白塔相傳迦葉傳衣塔趙州志

香巖寺 在白崖北舊名小王寺清康熙間郡人鄭榮重建趙州志

續燈庵 在白崖北五里冠華山僧拈雲改建趙州志

龍華寺 在城南九十里彌渡龍華山麓雍正志

紫雲寺 在彌渡東南又彌渡東有迴龍山塔相傳阿育王之子所



建上有符篆趙州志

道勝寺 在彌渡南雍正志唐時張建成入朝賜以浮屠像拜佛經建成

歸淑寺藏之一統志

大莊寺 在彌渡南趙州志

天目寺 在彌渡南四十里趙州志

五臺寺 在彌渡南九十里趙州志

鐵柱觀 在城南一百里彌渡市西相傳武侯南征次白崖時立鐵

柱後剝落白國張樂進求重鑄之大理府志清咸豐八年兵燹燬同治二

年重修光緒志

附明黃元治過鐵柱觀詩并序道光志

世傳鐵柱為武侯所立又傳白王張樂進求為武侯重立今考其柱之年號乃蒙會隆建極十三年立者野史所謂天尊柱也土人謬以為武侯故蹟遂塑像於柱之左右且曰景帝曰聖母按景帝係會隆僞號不知何人私會會隆而托武侯之蹟以愚鄉人淫祀

新纂雲南通志

卷一百十六 祠祀考八 寺觀三

一四

相沿習而不察亟宜燬之然武侯曾立碑紀功隋史萬歲仆而重立今碑與鐵柱並失其處矣 鐵柱題非紀漢年白王重鑄亦謬傳改元建極從蒙詔入寇會隆死蜀川野老祇知諸葛蹟淫祠未付祝融煙臥龍會此銘功去何處豐碑尚屹然

白雲寺 在彌渡西山趙州志

西河觀 在彌渡西奉薩真人趙州志

太和寺 在彌渡城北門外圓通寺後趙州志

太平寺 三教閣 三清閣 大士閣 接引閣 藥師閣 並在

彌渡青螺山趙州志

斗母閣 一在城西南象山麓明州判胡禧建州人張鳳翼修一在

彌渡青螺山大理府志

華藏寺 在城西南七里華藏山唐高將軍建山有春風亭久圯清

康熙三十年王亭重修雍正七年僧印高續修趙州志

附明巡按新城鄧漢華藏寺詩道光志



梁州仲冬月氣候如秋早愛俗省煩督乘閒恣幽討鳴笳越修阪停車渡清潦攀林踐香界漸近山更好剛翠開筠房疏碧架蘭椽  
銀榜倚虛壁紅亭映深島濫泉珠自瀉雜英霞微冒回懸蕩松林蒼翠若可掃山果摘霜橘蔬食甘蘊藻踟俗鮮勝韻遺榮得曠抱  
去岱久已審懸車豈待老

遍知寺 在城西一里鳳儀山麓唐高將軍建明初徙於此清雍正

八年僧正如志重修十年監生蘇纘緒續修趙州志

雨花寺 在遍知寺左州人陶必大修趙州志

蓮座庵 在遍知寺左州人陶必成建大理府志

雲濤寺 在定西嶺清康熙三十年提督諾穆圖建總督蔣陳錫額

曰法界金湯嶺有西山塔世傳阿難尊者舍利塔趙州志

元真觀 在城西三十里得勝驛左趙州志

彌陀寺 在城北關外明嘉靖間州民黃仲才鄒經建於浴龍山下

崇禎間郡人趙民獻移建山有文龍塔基址趙州志清咸豐六年燬於

新纂雲南通志

卷一百十六 祠祀考八 寺觀三

一五

兵光緒志

慈雲庵 在城北門內尼僧淨法建光緒志

淨覺寺 在北湯巔明村人趙昶建光緒志

珠海閣 在城北十五里清光緒元年舉人楊開蔭等重建光緒志

天生寺 在城北八里明萬曆間僧洪經建寺右有天生石佛相傳

張班一夜刻石成之後為武侯所燬趙州志

桃溪寺 在城東北寺前有溪溪側多桃花故名大理府志清咸豐間兵燹

燬光緒元年士民重建光緒志

相國寺 在城東北十五里世傳觀音登此山相大理國大理府志

龍頂寺 即喜目山古寺久圯清雍正十二年僧企燦改建趙州志按府志有普濟寺蒙

氏時建州志有太乙宮為施棺掩骨會所  
佑聖宮奉真武像俱在州境內 道光志



眞淨庵 在城東北十五里大江西村明州人楊本芳建光緒志

龍應寺 在上錦場蓮花山清道光十九年村人建光緒志

興福寺 在下錦場玉几山清道光十六年生員楊燠建光緒志

迎恩寺 在新初村人羅士傑建清咸豐七年兵燹燬光緒間羅煥

章重修光緒志

觀音寺 一在大赤佛一在小赤佛一在小哨一在東街光緒志

圓照寺 在滿江邑清咸豐七年兵燹燬光緒八年州生段尙珍倡

建光緒志

定光寺 在晴雲山下清咸豐七年兵燹燬光緒八年村民重建光緒志

祝豐庵 一在富樂村一在滿江邑清咸豐間兵燹均燬經州生楊

錫麟段尙珍等重修光緒志

浴龍寺 在山西村清咸豐間兵燹燬光緒間州廩生趙國元倡修

光緒志

五佛寺 在城東二十里五福山麓大理府志

圓通寺 一在城東南三里羅和山一在彌渡城北門外有古斷碑

載諸葛武侯建趙州志

天樞閣 在城西南金龜山庠生張宏謨改建趙州志

瑞雲觀 在城西鳳儀山麓明嘉靖間州人鄒堯臣建大理府志

附李元陽瑞雲觀記直光志

趙州鳳儀山麓有觀曰瑞雲東距州治約里許初嘉靖四十五年十二月五日之夕矣忽有白雲屯於其處初則創立如牆既而輪囷煥發頃之結成一閣檐牙斗拱宛如人作見者恍然訝愕然駭曰夫釋鋤而拜過者下馬稽首其雲移時不散羽人梅金玉向空叩禱知爲天之所示乃繪圖募建瑞雲閣以奉玉皇遠近聞者莫不景從遂蓋石他山輓水百里以隆慶二年經始明年落成雖不能盡如雲構之奇而飛革有嚴略得天式之髣髴矣方締造時五色光瑞或旬日半月一現故匠石不懈施者踵來金玉泥塗胼胝先工而作後工而休兢兢小心以答天貺此其所以成事敏而竣工速也余聞之師曰靈靈所在物無疵病頃年歲殺屢登四方無警蓋感無不應理固有然者矣鄒大參名堯臣其家父子兄弟眷屬捐金帛脫簪珥以率一鄉而檀信之中又以鄒處士繼爲最



飛來寺 古名開教寺又名千佛閣在城北五里浴龍山麓舊傳有

佛像飛來故名大理府志取靈鷲飛來峯意明正統間都知監郝甯右監

丞黎義相繼重建內有二塔建以鎮蝗清康熙三十年僧正明甦

修學乘慧常如一增修趙州志

附明提學泰和胡堯時飛來寺詩道光志

行過飛來寺遠迤趙州路忽見點蒼山飄焉神與鶯巖嵌雪未消峯高鳥難度姿潤青芙蓉長日生雲霧  
瞻茲千仞岡誰能振高步人生嗟如鳩結巢檐下樹不極高與明栖栖空日暮可奈學愈晚昨非今始悟

案漾濞縣採訪尙有大覺寺福國寺瓊霞寺鎮江寺和峯寺圓通寺報恩寺竹林寺大寺白石寺傳燈寺萬壽寺萬壑庵老君殿均在前趙州境內

### 雲南縣

玉峯寺 在城東胭脂壩明沐天波建一名柏木寺樑棟俱係柏木

內有古杉一株大數圍有泉水清冽如玉雲南縣志清咸豐七年燬光緒

新纂 雲南通志

卷一百十六 祠祀考八 寺觀三

一七

五年邑舉人李東璧倡建光緒志

金燈寺 在城東青海營東山以海中月映如燈故名村旁為三教

閣雲南縣志清咸豐七年兵燹燬光緒志光緒二年曹振治倡修十二年村民

等建中殿三楹祥雲縣採訪

華嚴寺 在城東華嚴村雲南縣志清咸豐七年兵燹燬光緒間邑人重修

光緒志

萬壽寺 在城東六十里和甸新澤村雲南縣志清咸豐間燬於兵同治間

村人重建光緒志一名萬壽宮在土主廟北咸豐七年燬祥雲縣採訪

智燈寺 在和甸街雲南縣志

雪山寺 在和甸城北村山頂元至大四年建雲南縣志

龍泉寺 在大波那北山下有洞出泉資灌溉又有池泉名天一閣



雲南  
縣志

白龍寺 在城東練場雲南縣志

報國寺 一名報恩寺在城內東南隅寺右有黃鶴樓明崇禎十八

年兵備道何閔中建內有何公祠清乾隆二十年知縣謝聖綸重

修雲南縣志咸豐七年燬於兵光緒四年知縣鳴泰重修寓九峯書院於

內光緒志

上帝觀 在城南清咸豐七年燬於兵光緒七年邑人重建大理府志

真武廟 在城南門外明永樂間建清乾隆五十七年邑人捐修雲南縣志

咸豐七年兵燹燬光緒七年士民重建正殿光緒志一名佐聖宮後殿

內有壽星石祥雲縣採訪

善集寺 在城南四十里水目山一名水目寺段氏時楊普濟經始

新纂雲南通志

卷一百十六 祠祀考八 寺觀三

一八

明洪武二十四年僧智圓成之雍正志舊有虎窩風洞黃龍木犬之異

客至則木犬預吠今存大理府志內分八寺曰大常住寺戒壇寺靈光寺

普賢寺文殊寺觀音閣玉皇閣三教閣琳宇軒爽為邑中勝觀雲南縣志

清咸豐七年兵燹折毀過半光緒志光緒十六年僧海瑞重修祥雲縣採訪

附明貢生永昌閃應雷水目寺詩道光志

此水相傳卓錫泉不知宮殿自何年殘碑半護雲山冷古木平臨海日偏  
曉起煙霞迷下界夜深鐘磬落諸天我來佛座曇花側萬壑松風拄杖邊

太乙宮 在城西南三十八里彌渡南門外雲南縣志清咸豐間兵燹燬光

緒間重修光緒志

大乘寺 在城外西北隅中有聚秀塔明義士楊舟建雲南縣志清咸豐七

年城陷被燬同治十三年知縣黃金銜重建光緒志

九鼎寺 在城西北二十里寶泉山週圍九峯相聚若拱若揖中一



峯尤峻拔峻嶒唐時建寺山頂有石洞高廣三四丈許舊攀鐵索

而升人甚難之明嘉靖間僧明寂建層樓五飛閣二尤為奇勝大理府志

傾圮過半光緒志光緒十六年知縣項聯晉僧如蘭重建玉峯菴祥雲縣志

附明楊慎九鼎寺詩巨光志

路繞羊腸轉雲從馬首開半崖交草樹絕壁倚樓臺碧淵鳴幽玉丹邱問劫灰  
佛緣甘苦寂僧行厭喧野鹿銜花過山禽薦果來獨耽塵外趣人世莫相猜

寶珠寺 在九峯山下建自明時雲南縣志

大興寺 在城西北二十五里梁山雲南縣志

五佛寺 在城西北三十五里五佛山雲南縣志已圮祥雲縣志

白衣閣 在城內北街雲南縣志光緒十年知縣項聯晉率邑人建祥雲縣志

玉皇閣 在城北門外明隆慶五年兵備道朱奎指揮章采移建雲南縣志

清咸豐七年燬於兵同治十三年知縣黃金銜重建光緒志軍功楊兆

貴倡修一在北川小西莊一在大村一在白沙村一在大倉一在

左所光緒三十三年文生張圖書武生史光鍾率村人倡修一在

鹿鳴村祥雲縣志

玉珊寺 在智光寺北雲南縣志明嘉靖時商太監於智光寺為僧其母妹

為尼始建祥雲縣志已廢光緒志

白雲寺 在城東里許雲南縣志邑紳姜發長倡修祥雲縣志

觀音寺 在城內東街明永樂十七年建清宣統三年知縣路承熙

率紳民寺僧重修一在和甸街東里許一在米甸雲峰山一在達

務村後山一在阿悟村祥雲縣志

聖寶寺 在城東大波那街雲南縣志清咸豐八年兵燹燬祥雲縣志

智寶寺 在城東八十里你甸街雲南縣志清咸豐八年燬祥雲縣志



鎖水閣 在城外東南隅明萬曆間兵備道熊鳴岐建雲南縣志清光緒三十三年知縣秦定基重建一在小牧舍一在米甸街一在小城里

村南祥雲縣採訪

地藏寺 一在城外西南隅明萬曆間土縣丞楊儒檟建雲南縣志清咸豐七年兵燹燬採訪一在前所營雲南縣志

清華寺 在城西南八里清華洞旁明時建清乾隆五十九年千總

李豐倡修雲南縣志光緒九年宣統二年續修雲南縣志

智光寺 在城西一里明永樂初建雍正志嘉靖間兵備道胡仲謨重修

大理府志清嘉慶十一年知縣楊鎬倡修雲南縣志咸豐七年兵燹燬光緒十六

年知縣項聯晉率合邑紳民重建祥雲縣採訪

金龍寺 一名寶華寺在城西一里臥龍岡後五里許雲南縣志段氏時建

新纂雲南通志

卷一百十六 祠祀考八 寺觀三

一一〇

有泉甘冽可以已疾大理府志久圮祥雲縣採訪

翠松庵 般若庵 俱在城西明兵備道楊應沛建雍正志

附明參議華亭馮時可翠松般若二庵記道光志

自賓川州至雲南縣中道為九鼎一云九頂去縣二十五里漢時五色雲見茲邑邑所受名唐代村人聞空中天樂累日不休相與  
芟刈翳楚九洞出焉一洞有石佛像五軀寺因而創雖經千年古瓦猶在後人重加修復遂成傑觀余自賓川來飯梁王山山故產  
金場也雲南令黃應元來迎與茗話久之因更肩上山數折長松巨石掩映晴嵐望上有樓翼然峙於南嶺嵯峨天際問之名一簣  
樓良久至招提從山背行老樹擎雲千尺翠色滴瀝欲上人衣良久至頂俯視千里遊目無際城郭彈丸如在履屐下前所見一簣  
樓卑卑彈伏若朝宗自效者下而入古佛石竇嵌空令人不衣自暖已而側足捫蘿升毗盧殿上然鐙閣飛樓棧道穴巖懸壁如蜂  
房鳥窠巖然重累綴於空中下臨無地已從石橋右折而度平岡北望九朵芙蓉嶙峋突兀直排秋明所架樓閣皆在巖半奇絕哉  
由平岡折而南為一簣樓對望北巖如繡壁奇峭摩天入我掌握可愛也蓋非是岡不能見北巖勝非是樓又不能成此岡勝聞為  
楊曉屏使君建亦善點綴矣憑欄久之萬山莽蒼曠色冉冉隨飛鳥至已而月麗長空氛翳盡掃輕寒如水清淒若霜北巖偏受月  
光如瓊山瑤殿而僧廬中千鏡零亂若繁星其南望則萬山起伏若浸水晶宮纖毫可數生平所見月夕無佳於此然當此佳境天  
遠人孤雖無鳴梭響練之聆竊有破鏡刀環之感矣是夕宿樓中明日下山黃令請遊翠松庵稍迂五里從亂山中良久始至佛像  
莊嚴整麗庭中茶花數十株蔽虧庭宇門外萬松參差翠色欲流又十餘里下山坡歷平田至般若庵佛鐙瑩瑩金像如生後有傑  
閣憑欄一望千頃稻花若一岸黃雲其外遠如蛾黛翠色橫互曠哉斯遊乎巖光泉響洗千秋之耳披萬里之襟何必五嶽三山哉  
尋入雲南邑宿官署夜漏發風起林杪謾調鶯醒歸夢披帷擁衾月溜下庭除射影屋梁恍然對所謂伊人未知在九鼎耶翠  
松般若菴耶江東小齋耶行遊臥遊孰夢而孰真也

般若寺 在城北八里段氏時建有寶鐙飛入雙塔中夏夜常光明



大理府志 在探花嶺下後有閣爲藏經樓雲南府志

廻龍寺 在城北三十里帽山龍首半山間又五里有翠松庵雲南府志明

萬曆間僧普正建祥雲縣採訪

白雲庵 在城內東北隅雲南縣志久圯祥雲縣採訪

龍鳳寺 在城東北蕎甸海稍村雲南縣志已圯祥雲縣採訪

案採訪尙有太保宮三官殿三教閣五福寺三元村宏嗣宮大雄殿三教宮三聖宮關索廟萬仙山寺洪福寺三母閣聖寶寺大祠三菴老君殿觀音閣均在境內

鄧川州

德源寺 在城東四里銀橋監生高上林修鄧川州志

湖潭寺 在城東六里寺圍溝三道溝植柳數層翠色重重蹊徑幽

絕鄧川州志

普照寺 在城東龍王廟山坳明萬曆間貢生戴乾建鄧川州志

新纂雲南通志

卷一百十六 祠祀考八 寺觀三

一一一

余家庵 在城東雞山麓境幽僻爲讀書精舍鄧川州志

餘金庵 在雞足山後清光緒三年知州王培心建光緒志

頂聖寺 一名積善寺在城東十里大理府志

雙星觀 在城東五里頂聖山清同治十二年知州廖士清建光緒志

雞鳴寺 在城東五十里蓮花箐雞鳴山石窟爲房自成洞天鄧川州志

眞濟寺 在城東南舊州城北雍正志明永樂間建大理府志寺左有天平塔俗

名一塔寺中有垂絲海棠最爲古豔鄧川州志

觀音寺 在舊州東十里突出一山四望豁然昔有人於此山見一

老者頃之不見後於山頂掘得一白銅佛遂建寺大理府志一在波羅灣

山半名觀音閣鄧川州志一在城南門外知州王培心建光緒志

眞慈寺 在舊州南三里雲龍山鄧川州志



白衣閣 在舊州州人陳大忠建鄧川州志

慈濟寺 在舊州鄧川州志

白雲寺 在城南十五里上關地鄧川州志

鐘山寺 在城西二里段氏時建雍正志

妙音寺 在城西大市坪州人楊茂建鄧川州志

會真寺 在城北中所州人劉裕等重建僧定一重修左有興文塔

唐大中時建鄧川州志

紫雲寺 在中所東甸舉人艾自修建鄧川州志有藏經樓三教堂大理府志

清和寺 在城北右所僧定一重修鄧川州志

海月庵 在城北五里鄧川州志王禮建大理府志

鍾靈寺 在城北楊柳村山半大理府志趙際泰等建僧定一重修鄧川州志

新纂雲南通志

卷一百十六 祠祀考八 寺觀三

一一一

竹林寺 在城北十五里洱河入望心眼空明大理府志

興文寺 在城北劉官營劉汝公建鄧川州志

勝雲庵 在城東北羅川山西鄧川州志

五佛寺 在城東北青索鼻大理府志唐時建清康熙四十一年重修鄧川州志

萬福寺 在城東北臥牛山麓元至元間建雍正志

龍泉寺 在城東北騰衝東山麓舉人楊詔建寺南有菩提塔今圯

鄧川州志

普光寺 在城東北姚營綠竹千竿蒼翠宜人鄧川州志

一塔寺 在城北十五里清光緒三年知州王培心建光緒志

思親庵 在州境內艾自修建廬墓六載有神降玉泉之異大理府志

鎖水閣 在江尾州人高上桂倡建鄧川州志



浪穹縣

三清觀 在城東二十里三營鎮內大理府志

一乘庵 在城東南十五里蒲陀崆西萬松之中僧如仙建大理府志

鶴林寺 在城南四十里鳳羽鄉明洪武間建雍正志落成日白鶴翔集

故名大理府志清咸豐六年兵燹燬光緒八年重修光緒志

靈鷲寺 在鳳羽波大邑大理府志清咸豐六年兵燹燬邑人重修光緒志

龍王閣 在城西南四十里羅坪山中峯下有潭每出雲則雨浪穹縣採訪志

龍華寺 在城北五里廟頭山舊為書院大理府志

標楞寺 在城北十五里標山世傳唐時七聖僧所創雍正志

崇聖寺 在城東三十里清康熙三十一年知縣王度昭重修光緒志

楚雲庵 在標楞寺左知縣羅時昇建大理府志

新纂雲南通志

卷一百十六 祠祀考八 寺觀三

二三

碧雲居 在標楞寺南峯大理府志

護珠庵 在標楞寺西僧會司如慧自建為護明別院前有香雲樓

高踞木末大理府志

苾香庵 在標楞寺後一名念佛堂僧圓覺宗印建大理府志

石龍庵 在城東北僧樂佺建大理府志清咸豐六年燬於兵僧本立重修

光緒志

潛龍庵 在石龍庵左明建文帝結庵居此後焚之而去邑人何星

文姚安高土官重建取石竇內所藏遺像奉之大理府志清咸豐六年燬

於兵僧本做募修光緒志

附黃元治潛龍庵詩二首道光志

彌茨河岸古禪關昔日飛龍臥此間自脫冕旒成白首誰傳衣鉢遯青山  
有靈草木忠魂戀無分陵園故主還精爽定依遺像在泉臺人侍舊天顏



萬花處處綻芳辰，獨是僧扉掩水濱。片碣有情留馬鬣，孤雲不散想龍鱗。  
岡巒赤石忠臣血，蒲柳青枝故國春。倚聽葡萄江上浪，一聲哀咽一傷神。

附澼縣知縣蒙化張端亮遊潛龍庵感建文帝逸事詩道光志

黃屋青山共渺茫，獨留遺跡小雲堂。沈淪寂寞悲皇祖，寂寞寢裳老梵王。  
鏡欲半龕懸午夜，忠魂一碣臥斜陽。死生不盡君臣淚，添得甯湖水更長。

附土典史邑人王芝成謁潛龍庵詩道光志

神州陵闕幾遷移，荒徼遺宮峙水湄。江勢回環如戀主，鳥聲淒切有餘悲。  
禪龕漫憶宸居貴，瓢笠原殊袞冕危。細柳新蒲仍滿目，野人誰復淚偷垂。

松隱庵 在縣境內舊名隨求趙文彬建大理府志

龍華山 在甸尾清咸豐六年燬於兵同治十二年重修光緒志

真武閣 在城東二里九氣臺明萬曆三十一年知縣李在公建其

地巖石有龜蛇形因肖真武像於閣大理府志

智光寺 在鳳羽鄉大理府志

玉皇閣 在城西明萬曆四十三年楊嶸倡建清康熙九年庠生蕭

新纂雲南通志

卷一百十六 祠祀考八 寺觀三

一一四

夢錦重建大理府志

護明寺 在城西明洪武間建雍正志

大慈閣 在護明寺內邑人何邦漸建大理府志

無盡庵 在城西六里楊鳳樓建大理府志

花笑庵 原屬楊氏連城館今緇流割其半而棲焉地踞山腰浮於

萬花之上海棠八九樹皆參天圍可三尺古松茂竹更繞杜鵑十

數本紅綠繡錯如朱霞之籠翠幙也大理府志

海月庵 在城北甸頭大理府志

賓川縣

三元宮 在城東門外明嘉靖間建雍正志

觀音閣 在城東門外光緒六年州人沈紹先倡建光緒志



玉皇閣 一在城東二里大理府志 一在雞足山頂雍正志 一在州東二里鍾阜

山麓清咸豐間燬於兵光緒志

瑞泉寺 在城西十里蕉谷明嘉靖中知州蕭縉建山頂有瀑布旁

有仙洞昔高士李常在曾於此遇仙雍正志 清咸豐十年兵燹燬同治

七年里人重修光緒志

附明閃應雷蕉谷寺詩道光志

翠擁芙蓉萬疊來招提遙在碧山隈潭邊花發春常住洞口雲寒晝不開自是彩毫工作賦那堪蟻屐滯登臺憑君話卻溪巖勝客路東風首重回

寂照寺 在城西二十里僧宗保建有巖龕乃師證道之所雍正志

龍泉寺 在城西三十里大理府志

高興寺 在城西一百里金龍湫側寺後巨石上有牛足並龍蟠跡

雍正志

新纂雲南通志

卷一百十六 祠祀考八 寺觀三

一五

紹補寺 在金龍湫之北大理府志

傳衣寺 一名圓信庵萬曆志 在城西北雞足山相傳昔釋迦佛以僧伽

黎衣付弟子迦葉波以待彌勒迦葉持衣於雞足山入定寺以此

名今稱華首門即其處也北有淨雲庵東北為八角庵後為彌勒

庵圓通庵自淨雲而北為般若庵菩提場折而西為五華庵圓淨

庵大乘庵龍華寺前為了空庵南為雲海庵海會庵白石庵庵東

有彌勒寺東北為鉢孟寺大士庵東南為白水庵西南為淨覺庵

其頂有舍利塔曹溪庵護法堂慧靈庵北麓寺奉真院普光寺皆

雞足山之名刹也雍正志

附陳鼎演黔紀遊

雞足山頂有石門佛大弟子摩訶迦葉乘釋迦衣鉢入定於此俟慈氏佛下生乃入涅槃逢歲朔四方縑素進香自漢迄今不絕大刹七十二所蘭若三百六十小庵無算傳衣羅漢迦葉寂光放光五大寺最著每寺千衆或數百衆不等皆刀耕火種為食僧多卷



毛鈞鼻深目穿耳即巖在五臺京師及江浙閩粵所見乞食雜漢也頗知漢語

### 附刑部侍郎青浦王昶自石淙寺至華首門禮大迦寺並遊悉檀諸寺讚佛頌

覺海本圓明緣空世界設金輪妙合凝河嶽乃分別域外四名山雞足居其一假彼五德名喻此雙距植雖非須彌倫實與靈鷲匹我讀放光部梵英記詳悉葉榆古未通故不具典籍點蒼東蜿蜒高黎南嶺另金沙繞其西洱海帶其北福地與洞天培塿呀蹇劣是為神與區羣真其棲息考摩訶迦葉夙世由金師相與婆陀女發願成菩提經九十一劫紫色光容儀最後飯罍曇苦行頭陀持正法得眼藏不在文字為大哉涅槃心別傳瞻能知一笑且放下天花落蔽袈金棺忽上湧入滅哀獻秋更維阿逸多次應補佛位授汝金迦黎以俟慈氏至法寶交手付用以表信智因慶喜多聞未到三摩地屬其聞思修超然佛出世演說恆河沙結習俱以既爰相四部中勝地冠南暨滿然入大定終古巖扉閉伊予愧嚙味夙稟煙霞心壯歲登士版風塵長髮髮巨嶽徑其麓徒然歷崎嶇官程歌缺掌名勝遲登臨况此祥柯隔豈遠果幽尋今從典午職遙抵蘭滄溥裸夷昨納款仲夏行獻琛上舒格闕苦下免瘴癘侵皇威響遑士兵氣消蒼黔是皆慈力被瞻禮情彌深東皇正司權和暄洽芳甸分途從普湖頗覺風雲變迴環蓋賓川羣峯已葱蒨阡陌互橫斜村墟類隱現杉楸蔽重崖藤蘿翳虛洞本無豺虎藏偶見驪驪窺靜室及茅蓬迢遞從空獻輿梁躡雪隱兩河遞迴遊崖根顯豁舒穴胎輪漉漾波出巖巖穿沙族蔚亂溪迴仰華構突兀扁石淙樓臺煥金碧儀像森青紅招邀翹精舍無語契圓通鹿院自岑寂幽景彌冲融更移賓榻坐長明照藤蘿宵分聞刁騷天籟鳴虛空疑是春雨急開軒月朦朧乃知奔留壯戛響兼杉松清寒不能寐跣跡待長鐘虬箭向丁丁法鼓旋逢逢喃喃禪誦啓浩浩音同聞黎願前導為我開蒙茸朝霞亦漸明灑露尚未已籃輿並筇笠不于層巖裏初摩詩石臺再歷崎人址奇迹盡堪詫往事屢屈指延緣迦葉堂規模最雄偉幡幢耀紫楣翠巖映階階想見妙莊嚴合與天宮比北望敞晴窗屏展崇霄峙祖庭在其間迴向並胡跪手足互騰奮耳目駭聽視蘭陀鬱崔嵬銅瓦轉迴迴將從獅獅升危梯斷徒倚四峯觀岩嶠盤旋到金頂浩蕩入鴻濛清空絕溟滓山深高更寒寺古堅而整積雪春未消斑駁漬苔鼎雲路近九重煙光納萬頃遠眺月露西雪山露微景縹緲黃金塔目力無由騁至此塵根窮一氣化孤迴再仰華首門萬仞類指筵

### 新纂雲南通志

卷一百十六 祠祀考八 寺觀三

誰倩巨靈掌剗出雙扉并棖闌儼分明椽椽極巖觀上臨觀自在石像出形影下為受記泉滴瀝蓄清洄方祈作道場工巧神鬼逞是惟梅咀利說法兜率天修習惟心識遇實俱成圓恆闕內外三災何繇緣香飄華鬘雲樓閣重重懸天龍八部等合杳歸陶甄妙音得未曾果位昭絃瑟自然盤陀石寬博百丈平如矢復如砥絕少蒼蕪纒黃帽駢前至膜拜昭精虔醞醞雜酥酪鐵鼓參鈴鉦旋繞亦跳舞每歲期無愆如是不思議廣大更圓滿聞言還作禮徐退復遊行日斜翠渚波歸禽漸催晚微步至華巖香廚飽一飯齏鹽倒瓶盞筍蕨盤碗嵐翠欲沾衣壇鏡急照眼勇過悉檀雄傑推首選松龜圖法身十光五采散依然三十二妙相映丹鸞斐亶不忍去聞鐘乃思返鬢髮雀母飛傀儡獅王偃煙眼豈哀猿塢深嗾猶大發願何寺僧經聲遠可辨天空星河希夜久香絲斷曉陟藏經樓飛澗對峯嶼三藏十二部迦文聖教作罡風偶震盪大地響鈴鐸初旒次第登經廚換丹履或為世主請或令羣生學時地問不同妙義并展拓試諷陀羅尼藕孔修羅愕龍樹得其詳鳩摩誌其略元奘之所搜澄觀之所約華嚴清淨海般若若恣包絡繹譯起晉魏唐宋更宏博蠻荒萬里陬高僧乃棲託旁行四句書十年共鑿碑時時散天花往往奏天樂功德豈可思此遊彌躡躍老僧謂余言茲山踰華岳峯崖三十九泉洞數幾倍寺觀百有餘祠廟不勝載水石鬪玲瓏花藥盡耄藹亞崇壇旃檀遍溪澗鼠姑黃叢叢虎蘭雪蔚蔚芭苴大於門拊欄長似槍青簷抱數圍黃閣巨方筓杜鵑十丈纏寶相千重挂縉蠻矇念佛迦陵亦搖曳潭深赤鱗浮嶺峻碧雞會團茅六十秋猶未悉梗概官程太匆忙勢難遍津逮矯首入定處煙橫雙鬢清馨出迴颺迢迢醒塵界林杪銀河翻數道各澎湃瑤瑤諸澗流送我奏清籟回途抵牛井傳舍除埃氛挑鐙讀山志開士手所掄乃識造化蘊難以尋常論五臺妙吉祥炎夏冰霜屯普陀面歸墟晏坐翻鯨鯢峨眉大因力光耀西南垠此及成四大允為十方尊作詩和梵唄一滴滄海分書罷翰音唱金鴉翥朝暾 案萬曆志於圓通庵袈裟寺鉢孟寺皆載有李逸民記今分別逐錄如左

### 又鉢孟寺

按文應為放光寺記 原載鉢孟寺下

天地之中有山曰須彌環山為四洲南曰閻浮提今之中國與五天竺是也其地向離故其人剛健明利非他洲比誠習之以善教之以道其入聖可以立待也故諸佛興慈以次降生焉釋迦牟尼之後應補佛位而降生者曰彌勒釋迦命大弟子迦葉飲光持佛衣待其出而授之飲光入定雞足山蓋正像末三法未竟故竣時也先佛在靈山捻花示衆獨迦葉微笑深契佛旨故託之以傳衣傳諸佛之心云爾此皆如實之語非誇誕也按內典雞足山與闍崛山相鄰當在中天竺然則此山之名雞足特佛之應跡與世傳



小澄之事石門旬然中開嘉靖間有一僧嚴棲三載其志懇到嘗於定中遊石門一入則見殿宇紺碧沙門衆多榜扁聯偶皆金書歷歷記憶雖世間老於文學者有所不及謂非靈地可乎石門之不時見光瑞或圓相或攝身與五臺峨嵋大都相似余即其地創建精藍因字之曰放光焉枕崇岡面列嶂懷抱比密風氣翕藏至其地者則見諸刹皆在山之肩背而放光獨當胸臆之穴爲可嘉也余乃白諸名衲上自大頂下至聖峯寂光合諸刹而爲伴崇放光以爲主歲約一期長者百日短者半之又短者又半之歲恆一周焉庶通假有借無之名而入於實相妙體空折色之跡而造乎真源嘗有入彌勒之關契迦葉之笑捨世尊之花者矣彼區區致詰於雞足之是否又惡足與議哉

### 又圓通庵

按內典傳教正宗載迦葉尊者飲光大定於雞足山今山巔南向有石巖千仞宛如闔門即其處也世呼迦葉門今訛稱華首四方學佛之徒皆睹補陀五臺峨嵋雞足謂聖蹟所在用稱勝覽自迦葉門東南下十里許有庵曰圓通其傍庵數所唯圓通見稱於墨客爲其結構麗密有精藍風致云初庵僧海印者爲榆海點蒼山人少厭市廛中歲棄妻子入山訪開山名衲性玄者於雞足遂得剃度尋於師庵之左側別創茲庵雖屋止二楹而用周大廈地止一畝而紆迴有容奉像不多而法器咸具入其庵則海印之好尚斐然可挹宜其斷絕塵緣毅然獨往也愚雅慕名山擬分海印一榻未愜夙心會印以記見屬即於三塔寺閣前書此與之

### 又袈裟寺

雞足山爲佛弟子大迦葉波入定之地大頂下石門千仞即其處也藏經載平陽僧法顯入西竺求經踰葱嶺而南備歷艱辛將至雞足山路遇老人龐眉偉貌不悟其爲神人頃有一沙彌至法顯始問者老爲誰答曰此頭陀弟子大迦葉波是也比至迦葉門爲大石所橫顯流涕而去即其事也今山在滇葉榆澤之東爲賓川巨鎮歲元且四方咸觀人以萬計未至石門五里許有寺曰袈裟殿謂迦葉守佛衣以袈裟勒故名遊人至此騎者止徒行者息飢者待饜渴者須湯然崖傾屋狹置炊無所客頗病之郡守阿君捐貲鑿崖拓地爲殿爲樓爲門堂爲廚置陶甍作旨蓋出以御客於是賓至如歸遊者日以衆嘉靖丁未十月賓守新泉朱官招余來遊坐客則大理賈文元楊湜韓宸張文璧董難吳懋楊正秦世道幕賓則孟縣行馨華容王遠是日秋高氣晶客權未能元慶洗

### 新纂雲南通志

卷一百十六 祠祀考八 寺觀三

一一七

石索記遂爲之書

依萬曆志並錄同遊諸人詩如左

### 附李元期詩

白波西海明香霧南崖溼欲獻鴿王花雨花臺上拾

### 附董難詩

塔影寫白波松聲喧玉鬢石門竟不開秋露泣迦葉

### 附吳懋詩

翠虹天上路白塔海門螺回首袈裟石懸燈在薛蘿

### 附參政石簡詩

美爾偏傳雙樹心西來大地盡黃金諦觀總識真如面馨罷誰聞空座音

### 放光寺

在雞足山石門下

雍正志

寺上直迦葉石門余三度來遊在冬



春不見光相此來正當六月見大圓光倚立玉池之上外暈七重  
每重五色環中虛明如鏡凝觀者各見自身現於鏡中毛髮可數  
衆人同立只見己身不見旁人明李元陽遊記

袈裟寺 在雞足山一名迦葉殿雍正志在雞足山之半無三十年不火

陳鼎撰  
黔紀遊

石鐘寺 在雞足山之阿其懸巖扣之如鐘雍正志寺乃雞足山總匯處

南有瀑布寺據山之阿李元陽遊記

悉檀寺 在雞足山大龍潭之上雍正志

銅瓦殿 在雞足山華首門東雍正志

報國寺 在城北門內大理府志

眞武廟 在城北十里龜山左明巡撫鄒應龍平賊時建大理府志

新纂雲南通志

卷一百十六 祠祀考八 寺觀三

一一八

圓覺寺 在城北五十里大理府志

崇福寺 在大場曲大理府志

津梁寺 在令字屯大理府志

案採訪尙有大士閣九蓮寺華嚴寺萬壽庵五華庵龍華庵大智庵雷音寺彌陀院尊勝院八角庵傳燈寺太子閣俱在雞足山

雲龍州

玉皇閣 一在城東一里雍正志一在放光寺上一在諾鄧井大理府志

斗母閣 在城東河東僧覺崇修大理府志

三元閣 在城東砥柱橋南有觀音閣大理府志

放光寺 在城東雞馬井西南山半大崖每放光因建寺於上大理府志

福隆寺 在放光寺西北大理府志

靜覺庵 在城東雞馬江西岸大理府志州人趙維紀建雲龍縣採訪



元真觀 大理府志 在城東小雅馬山頂

蟠龍寺 在城東北石門井相傳有龍蟠石上後飛去尚有雲氣覆

之因建寺 大理府志 清光緒十八年修 雲龍縣採訪

觀音岩 在虎山澗西截石而成清道光間邑人李笙建 雲龍縣採訪

紫竹居 在丹戛即明正統間土知州段文顯剖石有鐵杖履處 雲龍縣採訪

訪

太和寺 在寶豐井明崇禎十五年貢生董邦憲建 雲龍縣採訪

案採訪尚有真武閣張仙祠玉皇閣雲崇寺西竺寺大慈寺釋佛寺水月庵寶鼎寺蓮花寺老君殿均在境內